

Na osnovu člana 16. stav 4. Zakona o Vladi Zeničko-dobojskog kantona-Prečišćen tekst (“Službene novine Zeničko-dobojskog kantona”, broj 7/10), a u skladu sa članom 51. Zakona o izvršenju Budžeta Zeničko-dobojskog kantona za 2014. godinu (“Službene novine Zeničko-dobojskog kantona”, broj 15/13), na prijedlog Ministarstva zdravstva, Vlada Zeničko-dobojskog kantona, na 151. sjednici, održanoj dana 27.02.2014. godine d o n o s i

ZAKLJUČAK

o usvajanju Programa utroška sredstava na razdjelu 21- Ministarstvo zdravstva, budžetska organizacija 01, potrošačka jedinica 0001, ekonomski kod 614300, pozicija “Tekući transferi neprofitnim organizacijama” Budžeta Zeničko-dobojskog kantona za 2014. godinu

I.

Usvaja se Program utroška sredstava na razdjelu 21 Ministarstvo zdravstva, budžetska organizacija 01, potrošačka jedinica 0001, ekonomski kod 614300, pozicija “Tekući transferi neprofitnim organizacijama” Budžeta Zeničko-dobojskog kantona za 2014. godinu u iznosu od 630.400,00 KM (slovima: šeststotinatridesethiljadaičetiristotine konvertibilnih maraka), koji čini sastavni dio ovog zaključka.

II.

Sredstva planirana Budžetom Kantona za namjene predviđene ovim Zaključkom, realizovat će se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, te u skladu sa utvrđenim ukupnim nivoima do kojih se za pojedini mjesec od strane Vlade Kantona odobre mjesečni operativni budžeti svim budžetskim korisnicima, osim u slučajevima odobrenim posebnim aktom Vlade.

III.

Zadužuju se Ministarstvo zdravstva i Ministarstvo finansija da u skladu sa zakonom i podzakonskim aktima realizuju ovaj zaključak, svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____/14.
Datum, 27.02.2014. godine
Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo zdravstva,
1x Ministarstvo finansija,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA**

**PROGRAM
UTROŠKA BUDŽETSKIH SREDSTAVA
NA RAZDJELU 21-MINISTARSTVO ZDRAVSTVA, BUDŽETSKA ORGANIZACIJA 01,
POTROŠAČKA JEDINICA 0001, EKONOMSKI KOD 614300- POZICIJA
“TEKUĆI TRANSFERI NEPROFITNIM ORGANIZACIJAMA”
BUDŽETA ZENIČKO-DOBOJSKOG KANTONA ZA 2014. GODINU**

Zenica, februar 2014. godine

U skladu sa odredbama člana 36. stav 1. i člana 51., stav 1. i 3. Zakona o izvršavanju Budžeta Zeničko-dobojskog kantona za 2014. godinu, („Službene novine Zeničko-dobojskog kantona“, broj 15/13), Ministarstvo zdravstva predlaže Vladi Zeničko-dobojskog kantona Program utroška sredstava na razdjelu 21, budžetskoj organizaciji 01, potrošačkoj jedinici 0001-Ministarstvo zdravstva, ekonomski kod 614300, Pozicija- «Tekući transferi neprofitnim organizacijama».

Svrha Programa: Ovim programom utvrđuju se sredstva za tekuće transfere u oblasti zdravstva.

Visina sredstava: 630.400,00 KM

Izvori sredstava: Budžet Zeničko-dobojskog kantona za 2014. godinu, razdjel 21, budžetska organizacija 01, potrošačka jedinica 0001-Ministarstvo zdravstva, ekonomski kod 614300, pozicija “Tekući transferi neprofitnim organizacijama”.

1. Tekući transfer za nabavku vakcina (ekonomski kod 614300, subanalitika LAX 0001-godišnji iznos 73.875 KM)

Zakonom o zdravstvenoj zaštiti (“Službene novine Federacije Bosne i Hercegovine”, broj 46/10) je utvrđeno da društvena briga za zdravlje na nivou kantona obuhvata mjere za osiguranje i provođenje zdravstvene zaštite od interesa za građane na području kantona i to: provođenje epidemiološke, zdravstveno-statističke, socijalno-medicinske i zdravstveno-ekološke djelatnosti, te unapređenje zdravlja i prevenciju bolesti na području kantona (tačka 9) i provođenje mjera zaštite stanovništva od zaraznih bolesti iz svoje nadležnosti u skladu sa propisima o zaštiti stanovništva od zaraznih bolesti (tačka 10).

Kantonalni zavod za javno zdravstvo u skladu sa članom 119. navedenog zakona kontinuirano provodi mjere higijensko-epidemiološke zaštite i nadzora sa epidemiološkom analizom stanja na području kantona i provodi protivepidemijske mjere, te nadzire provođenje obaveznih imunizacija. Kantonalni zavod obavlja raspodjelu obaveznih vakcina zdravstvenim ustanovama na primarnom nivou zdravstvene zaštite na području kantona.

U tom pogledu Kantonalni zavod za javno zdravstvo Zenica u saradnji sa Ministarstvom zdravstva planira nabavke određenih količina vakcina.

Na našim prostorima evidentan je problem pasa lualica, koji su najčešći prenosnici virusa bjesnila, što utiče na povećani priliv pacijenata kojima je potrebna antirabična zaštita. Antirabična zaštita se provodi na taj način da se licu koje je povrijeđeno od strane bijesne ili na bjesnilo sumnjive životinje obavezno aplicira vakcina i/ili antirabični imunoglobulin (serum). Ukoliko se ovi lijekovi (a posebno serum) ne bi aplicirali, a osoba oboljela od bjesnila, to bi značilo sigurnu smrt.

Obzirom na navedeno od ukupno planiranih sredstava za nabavku vakcina u Budžetu Zeničko-dobojskog kantona za 2014. godinu za nabavku vakcina (veroraba) će se izdvojiti cca 30.000,00 KM i antirabičnog seruma (imunoglobulina) iznos sredsta od cca 20.000,00 KM.

Ostatak planiranih sredstava u iznosu od 23.875 KM bi se koristio za nabavku vakcina protiv sezonske gripe. Sezonska gripa predstavlja poseban zdravstveni rizik za teške bolesnike. Iako ne predstavlja teško oboljenje, pojavljivanje gripe u epidemijskom obliku može ozbiljno ugroziti osobe sa narušenim zdravljem, a posebno hronične bolesnike.

Ova vakcina se preporučuje za preveniranje gripe osobama kod kojih se očekuje visok rizik mogućih komplikacija od ove bolesti (starije osobe, kronično oboljeli građani i djeca). Vakcina za navedene kategorije stanovništva je besplatna, a za sve ostale vakcina se komercijalno nabavlja i ona je dostupna

po vema niskim cijenama. Uredna vakcinacija stanovništva za rezultat je imala izostanak epidemije gripe.

Akciju nabavke i distribucije vakcina provodi Kantonalni zavod za javno zdravstvo u skladu sa Programima imunizacije, a sastoji se od planiranja, nabavke vakcine, distribucije po domovima zdravlja i praćenja epidemiološkog stanja stanovništva na području Kantona.

Za naprijed navedene aktivnosti planirana sredstva u Budžetu Zeničko-dobojskog kantona za 2014. godinu iznose 73.875,00 KM, a realizacija će se vršiti u skladu sa procentom ostvarenja prihoda, odnosno zaključcima Vlade o utvrđivanju mjesečnih planova novčanih tokova koji su osnov za izradu operativnih planova potrošnje za svakog budžetskog korisnika.

Kriteriji za raspodjelu: Informacija-izvještaj o epidemiološkoj situaciji, vrsti-soju vakcine i količini (broj jedinica) i Zaključak Vlade Kantona o odobrenju sredstava.

Vakcinu putem javnog natječaja nabavlja Kantonalni zavod za javno zdravstvo Zenica i o istom obavještava nadležno ministarstvo.

2. Tekući transfer za deratizaciju (ekonomski kod 614300, subanalitika LAX 002-godišnji iznos 98.500,00 KM)

U skladu sa članom 119. Zakona o zdravstvenoj zaštiti („Službene novine Federacije Bosne i Hercegovine“, broj 46/10) i Zakonom o zaštiti stanovništva od zaraznih bolesti („Službeni list FBiH broj 29/05), Kantonalni zavod za javno zdravstvo donosi Plan i program mjera dezinfekcije, dezinsekcije i deratizacije i nadzire njihovo izvršenje, te provodi preventivne i protuepidemijske DDD postupke za područje Kantona.

Provođenje sistematske deratizacije na području kantona je jedna od obaveznih mjera propisanih Zakonom o zaštiti stanovništva od zaraznih bolesti, a njeno provođenje je predviđeno u dvije faze (proljetna i jesenja). Obzirom da postoje značajne površine i objekti kojima upravlja Kanton u Budžetu Zeničko-dobojskog kantona za 2014. godinu planirana su sredstva za provođenje sistematske deratizacije na ovim površinama i objektima, dok će se dio sredstava za finansiranje deratizacije izdvojiti iz općinskih budžeta. Na ostalim objektima i površinama koje imaju definisanog vlasnika (korisnika) i koje ostvaruju vlastiti prihod, troškove sistematske deratizacije snose vlasnici (korisnici).

Kantonalni zavod za javno zdravstvo će predložiti Vladi Zeničko-dobojskog kantona na usvajanje poseban Program provođenja obavezne preventivne sistematske deratizacije na području Zeničko-dobojskog kantona (proljetna i jesenja faza), koji će biti osnov za donošenje Odluke o obezbjeđenju sredstava za finansiranje proljetne faze deratizacije (49.250,00 KM) i jesenje faze deratizacije (49.250,00 KM).

Naredbom Ministarstva zdravstva će se definisati objekti i površine koji će biti obuhvaćeni preventivnom sistematskom deratizacijom, podijeljeni u dvije grupe:

- Sredstva za provođenja deratizacije u objektima i površinama obezbjeđuju Zeničko-dobojski kanton i općine.
- Troškove provođenja akcije na površinama i objektima snose subjekti koji njima upravljaju.

Budžetom Zeničko-dobojskog kantona za 2014. godinu planirana sredstva za naprijed navedene namjene iznose 98.500,00 KM.

Kriterij za raspodjelu sredstava: Program provođenja proljetne i jesenje faze obavezne preventivne sistematske deratizacije na području Zeničko-dobojskog kantona za 2014. godinu i Odluka Vlade.

Izvršetak o provedenoj akciji (proljeće- jesen) dostavlja Kantonalni zavod za javno zdravstvo i isti na prijedlog Ministarstva zdravstva usvaja Vlada.

3. Tekući transfer udruženjima-dobrovoljno darivanje krvi (ekonomski kod 614300, subanalitika LAX 004-godišnji iznos 14.775,00 KM)

Aktivnosti koje provode organizacije Crvenog križa i Crvenog polumjeseca na prikupljanju krvi susreću se sa sve većim problemima prvenstveno obezbjeđenja zahvalnog obroka dobrovoljnim davaocima, izrade zahvalnica, propagandnog materijala, prevoza dobrovoljnih davalaca i sl. Već nekoliko godina osjetno je smanjenje broja davalaca krvi, što neposredno ima za posljedicu i normalno funkcionisanje bolničke djelatnosti.

U cilju obezbjeđivanja uslova za kvalitetnijim organizovanjem akcija u prikupljanju dovoljnih količina krvi predviđene su podrške akcijama koju provode organizacije Crvenog križa i Crvenog polumjeseca.

Budžetom Zeničko-dobojskog kantona za 2014. godinu za ove namjene su planirana su sredstva u iznosu od 14.775,00 KM, a realizacija će se vršiti u skladu sa procentom ostvarenja prihoda i zaključcima Vlade o utvrđivanju mjesečnih planova novčanih tokova koji su osnov za izradu operativnih planova potrošnje za svakog budžetskog korisnika.

Kriteriji za raspodjelu sredstava: Dnamika sprovedenih akcija, redovni izvještaji organizacija za prikupljanje krvi i transfuzioloških službi zdravstvenih ustanova-bolnica i na prijedlog Ministarstva zdravstva Zaključak Vlade Kantona.

4. Tekući transfer za Kantonalni zavod za bolesti ovisnosti (ekonomski kod 614300, subanalitika LAX 005-godišnji iznos 197.000,00 KM)

Javna zdravstvena ustanova Kantonalni zavod za bolesti ovisnosti od osnivanja kontinuirano obezbjeđuje zdravstvenu zaštitu ovisnika bilo da su dobrovoljno u tretmanu ili po odluci suda. Plan poslovanja za 2014. godinu je rađen u skladu sa Zakonom o zdravstvenoj zaštiti ("Službene novine Federacije Bosne i Hercegovine", broj 46/10) i Odlukom o standardnoj klasifikaciji djelatnosti u Federaciji Bosne i Hercegovine. Sredstva za rad Zavoda za bolesti ovisnosti se obezbjeđuju iz Budžeta Zeničko-dobojskog kantona, Ugovorom sa Zavodom zdravstvenog osiguranja Zeničko-dobojskog kantona i iz drugih izvora na način i pod uslovima određenim zakonom, aktom o osnivanju i Statutom Zavoda.

Djelatnost Zavoda za bolesti ovisnosti obuhvata djelatnost medicinske prakse i zdravstveno-preventivnu zaštitu, a u okviru ove djelatnosti Zavod obavlja:

- Stacionarnu i ambulatno-polikliničku zdravstvenu zaštitu sa rehabilitacijom oboljelih ovisnika
- Prevenciju, dijagnostiku, rehabilitaciju i socijalnu reintegraciju ovisnika
- Provođenje programa edukacije i metadonskog programa prema standardima Svjetske zdravstvene organizacije
- Vođenje registra bolesti ovisnosti
- Ostvarivanje saradnje sa svim zdravstvenim ustanovama i specijaliziranim ustanovama iz oblasti borbe protiv ovisnosti
- Organizovanje stručnih savjetovanja, seminara, javnih tribina, predavanja i drugih aktivnosti od značaja za ostvarivanje djelatnosti Zavoda

- Provođi istraživački rad na polju bolesti ovisnosti
- Organizuje i/ili provodi programe smanjenja šteta za lica koja injektiraju droge
- Stacionarni tretman–detoks, liječenje oboljelih ovisnika

Ciljevi i pravci djelovanja Zavoda u 2014. godini su definisani Planom poslovanja za 2014. godinu i prilagođeni očekivanim prihodima iz glavnih izvora finansiranja, a odnose se na:

- Zadržavanje dostignutog nivoa kvaliteta i aktivnosti u primarnoj prevenciji
- Zadržavanje i stabilizacija dostignutog nivoa i kvaliteta usluga u ranoj dijagnostici, liječenju, rehabilitaciji i resocijalizaciji ovisnika. Centralna ambulanta u Zenici sa terenskim ambulantomama pri Domovima zdravlja u osam općina, kao i Detox-bolnički odjel omogućavaju visok kvalitet usluga.
- Kontinuitet u funkcionisanju supstitucijske terapije (metadon i suboxona)
- Stabilizacija i zadržavanje dostignutog nivoa i kvaliteta rada i usluga na bolničkom odjelu–DETOXU, čiji je kapacitet 4+2 kreveta, kao i proširenje prostornih kapaciteta na ovom odjeljenju za dodatna tri kreveta dodavanjem pomoćnog objekta (kontejnera).
- Provođenje ugovorenog programa i tretmana zatvorenika opijatskih ovisnika u Kazneno-poravnom zavodu Zenica i Kazneno-poravnom zavodu Busovača.
- Nastavak i unapređenje uspješne saradnje sa UNDP-om BiH. Dosadašnja uspješna saradnja rezultirala je u kontinuiranom obezbjeđenju lijeka METADON za sve pacijente na terapiji i SUBOXON za dio pacijenata.
- Kroz saradnju sa UNDP BiH nastojati obezbjeđiti jedno motorno vozilo tipa kedi za potrebe terenskog rada.
- Aktivnija saradnja sa sudovima u Zeničko-dobojskom kantonu i šire u cilju adekvatne primjene zaštitnih mjera obaveznog liječenja.
- Aktivo učešće na seminarima, simpozijumima i u projektima sa NVO u cilju stručnog unapređenja znanja
- Podrška provođenju programa volontiranja ili obavljanja pripravničkog staža na osnovu programa Zavoda za zapošljavanje
- Razvijanje Centra za rehabilitaciju u okviru Zavoda
- Upošljavanje novog kadra ograničiti na jednog pravnika sa punim radnim vremenom ili nepotpunim radnim vremenom i jednog psihologa pedagoga
- Rješavanje problema nedostatka prostora

Za finansiranje rada Kantonalnog zavoda za bolesti ovisnosti u 2014. godini iz Budžeta Zeničko-dobojskog kantona se planira izdvojiti 197.000,00 KM (11,3% ukupno planiranih prihoda), dok će nivo izdvajanja Kantonalnog zavoda zdravstvenog osiguranja biti 926.250 KM (53,5 %). Planom prihoda i rashoda za 2014. godinu pored navedenih izvora prihoda planirana su sredstva u iznosu od 150.000 KM (8,7%) po osnovu prihoda od usluga ostalim kokorisnicima-kantonima, prihodi od donacija za metadonsku terapiju (435.000 KM ili 25,1%) i ostalih prihoda 23.500 KM. Rashodi Zavoda u 2014. godini su planirani u visini planiranih prihoda, odnosno 1.731.750 KM.

Kriteriji za raspodjelu sredstava: Plan poslovanja Kantonalnog zavoda za bolesti ovisnosti, mjesečni iznosi za finansiranje utvrđeni Budžetom Zeničko-dobojskog kantona za 2014. godinu usklađeni sa procentom ostvarenja prihoda i zaključcima Vlade o utvrđivanju mjesečnih planova novčanih tokova koji su osnov za izradu operativnih planova potrošnje za svakog budžetskog korisnika.

Izveštaj o radu i utrošku sredstava podnosi se Ministarstvu zdravstva šestomjesečno odnosno po konačnom obračunu.

5. Tekući transfer za Kantonalni zavod za medicinu rada i sportsku medicinu (ekonomski kod 614300, subanalitika LAX 007-godišnji iznos 49.250,00 KM)

Kantonalni zavod za medicinu rada i sportsku medicinu, u skladu sa članom 120. Zakona o zdravstvenoj zaštiti ("Službene novine Federacije Bosne i Hercegovine", broj 46/10) i Odluke o preuzimanju prava i obaveza osnivača i usklađivanja organiziranja i poslovanja Javne ustanove Kantonalni zavod za medicinu rada ("Službene novine Zeničko-dobojskog kantona", broj 11/12) obavlja djelatnosti specifične zdravstvene zaštite radnika na području Zeničko-dobojskog kantona. Po standardima i normativima zdravstvene zaštite iz obaveznog zdravstvenog osiguranja (Službene novine Federacije Bosne i Hercegovine", broj 5/03) za obavljanje javno-zdravstvene djelatnosti medicine rada kantonalnog nivoa trebalo bi angažovati 1,21 tim.

Programskim zadacima Kantonalnog zavoda za medicinu rada i sportsku medicinu, koji bi se trebali finansirati iz Budžeta Zeničko-dobojskog kantona u 2014. godini predviđeni su slijedeći projektni zadaci:

- Prikupljanje i obrada statističkih podataka o absentizmu na nivou Zeničko-dobojskog kantona u saradnji sa Kantonalnim zavodom zdravstvenog osiguranja
- Prikupljanje i obrada statističkih podataka o absentizmu u period obrade za IK
- Praćenje i analiza funkcionisanja Službi medicine rada na Zeničko-dobojskom kantonu i povezivanje sa službama izvan kantona
- Identifikacija i procjena štetnih rizika po zdravlje na random mjestu
- Edukacija zdravstvenih radnika
- Aktivnosti na registraciji profesionalnih bolesti i povreda na radu
- Profesionalna orijentacija i nova zanimanja i tehnologije rada
- Promocija zdravlja-zdravstveni odgoj
- Osposobljavanje zaposlenika za pružanje prve pomoći

Budžetom Zeničko-dobojskog kantona za 2014. godinu planirana sredstva za Kantonalni zavod za medicinu rada i sportsku medicinu iznose 49.250,00 KM, a utožit će se za realizaciju projekata u 2014. godini planiranih programskim zadacima Kantonalnog zavoda za medicinu rada i sportsku medicinu za 2014. godinu.

Treba napomenuti da su planirani troškovi za cjelovitu realizaciju naprijed navedenih projektnih zadataka znatno veći od sredstava planiranih u Budžetu Zeničko-dobojskog kantona za 2014. godinu.

U strukturi ukupnih troškova za realizaciju projekata koji se finansiraju iz sredstava koje obezbjeđuje Zeničko-dobojski kanton, na bruto primanja uposlenih se odnosi 47.600,00 KM, troškove zajedničkih službi 800,00 KM, zajedničke troškove 650,00 KM i troškove tehničke realizacije programa 200,00 KM.

Kriteriji za raspodjelu sredstava su: Program rada, mjesečni iznosi za finansiranje utvrđeni Budžetom Zeničko-dobojskog kantona za 2014. godinu usklađeni sa procentom ostvarenja prihoda i zaključcima Vlade o utvrđivanju mjesečnih planova novčanih tokova koji su osnov za izradu operativnih planova potrošnje za svakog budžetskog korisnika.

Izveštaj o radu i utrošku sredstava podnosi se Ministarstvu zdravstva šestomjesečno odnosno po konačnom obračunu.

6. Tekući transfer za Kantonalni zavod za javno zdravstvo (ekonomski kod 614300, subanalitika LAX 008-godišnji iznos 49.250,00 KM)

Odlukom o preuzimanju prava i obaveza osnivača i usklađivanju organiziranja i poslovanja Javne ustanove Kantonalni zavod za javno zdravstvo ("Službene novine Zeničko-dobojskog kantona", broj 11/12) utvrđeni su poslovi koje obavlja Kantonalni zavod za javno zdravstvo. U skladu sa Prijedlogom Projekata Kantonalnog zavoda za javno zdravstvo, koji se finansiraju iz Budžeta Zeničko-dobojskog kantona za 2014. godinu, planirani su slijedeći projekti:

- praćenje i analizu zdravstvenog stanja stanovništva i funkcionisanja zdravstva (ukupni troškovi finansiranja 16.590 KM),
- prikupljanje i obradu zdravstveno- statističkih podataka i statistička istraživanja u zdravstvu (ukupni troškovi finansiranja 58.370 KM),
- antirabična zaštita (ukupni troškovi finansiranja 11.180 KM),
- nadzor nad akutnom flakcidnom paralizom (ukupni troškovi finansiranja 3.310 KM) i
- nadzor nad HIV/AIDS(ukupni troškovi finansiranja 2.600 KM).

Budžetom Zeničko-dobojskog kantona za potrebe finansiranja projektnih aktivnosti Zavoda je planirano 49.250,00 KM. Obzirom da se radi o aktivnostima koje su zakonska obaveza, Zavod je prinuđen da ih realizuje u obimu koji je neophodan za obavljanje osnovnih funkcija Zavoda, te je u planu naveden veći obim aktivnosti i veći troškovi u odnosu na opredjeljena sredstva iz Budžeta Zeničko-dobojskog kantona (Ukupni troškovi za realizaciju naprijed navedenih projekata iznose 92.050,00 KM). Nedostajuća sredstva za finansiranje navedenih projekata bit će obezbjeđena iz sredstava Kantonalnog zavoda za javno zdravstvo.

Kriteriji za raspodjelu sredstava su Program rada, mjesečni iznosi za finansiranje utvrđeni Budžetom Zeničko-dobojskog kantona za 2014. godinu usklađeni sa procentom ostvarenja prihoda i zaključcima Vlade o utvrđivanju mjesečnih planova novčanih tokova koji su osnov za izradu operativnih planova potrošnje za svakog budžetskog korisnika.

Izveštaj o radu i utrošku sredstava podnosi se Ministarstvu zdravstva šestomjesečno odnosno po konačnom obračunu.

7. Tekući transfer za Kantonalni zavod za medicinu rada i sportsku medicinu-zdravstvena zaštita sportaša (ekonomski kod 614300, subanalitika LAX 011-godišnji iznos 147.750,00 KM)

U skladu sa Zakonom o zdravstvenoj zaštiti („Službene novine Federacije BiH“, broj 46/10) i Odlukom o preuzimanju prava i obaveza osnivača i usklađivanju organizacije i poslovanja Javne ustanove Kantonalni zavod za medicinu rada („Službene novine Zeničko-dobojskog kantona“, broj 11/12), JU Zavod za medicinu rada i sportsku medicinu Zeničko-dobojskog kantona obavlja proširenu djelatnost u odnosu na prethodni period, odnosno vrši i zdravstvenu zaštitu sportaša.

Naime, nakon donošenja Statuta od strane Upravnog odbora, a po dobijanju saglasnosti od osnivača, Zavod je izvršio upis u sudski registar promjena utvrđenih navedenom Odlukom.

Zakonom o zdravstvenoj zaštiti (Službene novine Federacije BiH broj 46/10) definisana je djelatnost sportske medicine tj. poslovi koji predstavljaju proširenje djelatnosti Zavoda i sastoje se od:

- planiranja, predlaganja i provođenja mjera za očuvanje i unapređenje zdravlja sportista i učesnika u sportskoj rekreaciji
- provođenja preventivne zdravstvene zaštite svih registrovanih sportista-amatera kroz kontrolne, periodične i sistematske specijalističke preglede,
- specijalističke kurativne zdravstvene zaštite, liječenja i rehabilitacije oboljelih i povrijeđenih sportaša amatera.

U cilju stvaranja pretpostavki za finansiranje proširene djelatnosti ove zdravstvene ustanove na više nivoa vodili su se aktivnosti koje su rezultirale zakonskom regulativom za ovaj segment zdravstvene zaštite.

Naime, Federalno ministarstvo zdravstva je u 2013. godini donijelo Naredbu o standardima i normativima zdravstvene zaštite iz obaveznog zdravstvenog osiguranja u djelatnosti centra za mentalno zdravlje u zajednici, centra za fizikalnu rehabilitaciju, specifične preventivno-promotivne zdravstvene zaštite mladih u školama i fakultetima i specifične zdravstvene zaštite sportista (Službene novine Federacije BiH, broj 104/13).

Tačkom 5. navedene Naredbe su stvorene pretpostavke za finansiranje specifične zdravstvene zaštite sportaša angažmanom jednog radnog tima na 100.000 osiguranika.

Sastav tima je:

- 1 doktor medicine specijalista medicine sporta ili specijalista medicine rada sa posebnom edukacijom iz sportske medicine
- 0,5 diplomirana medicinska sestra-tehničar/viši zdravstveni tehničar
- 1 zdravstveni tehničar SSS

Godišnja vrijednost naknade za program rada ovog tima iznosi 119.600 bodova. Imajući u vidu da se obračun za 2014. godinu vrši za 343.757 osiguranika, neophodno je finansirati 3,45 tima uz primjenu vrijednosti boda od 0,875 KM. Za 3,45 tima pripada 412.620 bodova, odnosno 361.042 KM. Prema pomenutoj Naredbi najmanje 50% sredstava za finansiranje programa rada tima specifične zdravstvene zaštite sportista osigurava se izvan sredstava obaveznog zdravstvenog osiguranja (budžet kantona i/ili općine).

Prema planiranom obračunu za istu namjenu u 2014. godini od strane Kantonalnog zavoda zdravstvenog osiguranja planirno je 180.521 KM, odnosno 50% sredstava.

Planirana sredstva iz Budžeta Zeničko-dobojskog kantona tokom 2014. godine utrošiti će se na slijedeći način:

-u KM-

VRSTA TROŠKOVA	Transfer za zdravstvenu zaštitu sportaša
Bruto primanje zaposlenih prema standardima i normativima KZZO	70.100
Angažman predavača	-
Troškovi provođenja preventivne zdravstvene zaštite svih registrovanih sportista-amatera kroz: kontrolne, periodične i sistematske specijalističke preglede u skladu sa Zakonom o zdravstvenoj zaštiti	42.000
Troškovi grafičke pripreme, štampanje i distribucija	-

Troškovi usluga održavanja, servisiranja i kalibracije opreme	5.000
Poslovi pod ugovorom (vanjski saradnici)	-
Zajednički troškovi	1.000
Troškovi zajedničkih službi	1.050
Troškovi stručnog osposobljavanja	27.600
Ostali neplanirani troškovi	1.000
Aktivnost planiranja, predlaganja i provođenja mjera za očuvanje i unapređenje zdravlja sportista i učesnika u sportskoj rekreaciji	-
UKUPNO	147.750

Budžetom Zeničko-dobojskog kantona za 2014. godinu za finansiranje navedenih aktivnosti planirana su sredstva u iznosu od 147.750 KM, što je za 32.771 KM manje od potrebnih sredstava. Obzirom na navedeno Kantonalni zavod za medicinu rada i sportsku medicine neće biti u mogućnosti pokriti sve aktivnosti, a posebno aktivnost planiranja, predlaganja i provođenja mjera za očuvanje i unapređenje zdravlja sportista i učesnika u sportskoj rekreaciji koja iziskuje komunikaciju sa sportskim savezima, klubovima, odlaske na teren i slično.

Broj: 02-_____ /14.
Datum, 27.02.2014. godine
Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo zdravstva,
1x Ministarstvo finansija,
1x a/a.